

10.05.1985

Pjatk 10. meje 1985 zemrě nahle knjez duchowny rada Jurij Herman na swojim wuměnk w Radworju, na kotryž bě so hakle 18. januara tutoho lěta podať, po tym, zo bě k 15.12.1984 ze strowotnych přičin faru we Njebjelčicach spuścić. Knjez Jurij Herman je w lětach 1956 do 1963 w Radworju jako kapłan skutkował a bě z Radworskim fararjom w lětach 1968-1976. Za swoje skutkowanje a za swoju službu je wosebite wotpowědne čłowjeske kmanosće měł, je zamóhl z ludźimi wobchadžeć, z nimi so rozmołwjeć, je so starał wo dušine zbožo svojich wosadnych, je zdokonał wosady w duchu přezjednoty nawjedować. Jako młodžinski kapłan njeje ze swojim hudźbnym talentom a wjesolej powahu jenož młodych zahorjał, ale bě w Radworskej wosadze pola wšěch generacijow woblubowany. Tež hdyž jako farar zaso do Radworja přińdže, běchu jeho čłowjeska powaha, jednorosć a towaršliwosć za njeho charakteristiske. Wutoru, dnja 14.05.1985 bu duchowny rada Jurij Herman na Radworskim pohrjebnišću z jara wulkim přewodom pochowany. Njebjelčanski cyrkwinski chór spěwaše swojemu poslednjemu fararjej a knjez biskop Gerhard Schaffran měješe swjatočny rekwiem w Radworskej farskej cyrkwi. Njech wotpočuje w měrje na pohrjebnišću Radworskim, w nadźiji na zrowastanjenje.

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=10.05.1985_pfarrer_hermann_stirbt&rev=1764018325

Last update: **2025/11/24 21:05**

